



JUDICIALSYSTEM MONITORING PROGRAMME  
PROGRAMA DE MONITORIZAÇÃO DO SISTEMA JUDICIAL

## *Komunikadu Imprensa*

24 Outubru 2012

### **Arguidu krime inestru hetan pena tinan 9 fulan 6 prizaun**

Iha 19 Outubru 2012 Tribunál Distritál Baucau lee akordaun ba arguidu Domingos da Costa Belo ba pena tinan 9 fulan 6 prizaun ba krime abuzu seksuál ba menor. Tribunál prova Ministériu Públiku nia akuzasaun katak arguidu prátika abuzu seksuál hasoru vítima menor ne'ebe mak nu'udar nia oan rasik.

Ministériu Públiku akuza katak arguidu prátika abuzu seksuál hasoru vítima ne'ebé nia oan rasik, ho forma ameasa ne'ebé akontese iha 14 Outubru 2012, iha Suku Aubeon Sub-Distritu Natarbora, Distritu Manatuto. Ministériu Públiku akuza arguidu tuir artigu 177 Kódigu Penál (abuzu seksuál ba menor). Krime ne'e iha sentensa másimu tinan 20 iha prizaun.

*“JSMP enkoraja tribunál aplika pena ne'ebé tuir krime nia gravidade. Inestru maka krime ne'ebé ofende tebetebes valores sosiál, morál no relijioza, no bele halo prejuizu fíziku, psikolójiku no emosionál ne'ebé grave tebetebes ba vítima. Tanba ne'e presiza pena atu fó efeitu disuasivu ba arguidu no enjeralmente fó mensajen ba comunidade atu evita krime inestru iha futuro,”* dehan Diretór Interinu JSMP Casimiro dos Santos.

Juíz Dra. Ângela Faria Belo mak reprejenta tribunal koletivu iha julgamentu ne'e hodi lee akordaun ba arguidu, representante husi Ministériu Públiku Dr. Pascasio de Rosa Alves no arguidu akompaña husi advogada Estajiaru Dra. Muzaria Amaral.

Atu hetan informasaun kle'an, favor kontaktu:

Casimiro dos Santoso

Diretór Interinu JSMP

Email: [casimiro@jsmp.minihub.org](mailto:casimiro@jsmp.minihub.org)

Landline: +670 3323883 ka +670 77257466